

‘আল-হাইআতুল উলয়া লিল-জামি’আতিল কওমিয়া  
বাংলাদেশ’ এর অধীন কওমি মাদরাসাসমূহের দাওরায়ে  
হাদিস (তাকমীল)-এর সনদকে মাস্টার্স ডিগ্রি (ইসলামিক  
স্টাডিজ ও আরবি)-এর সমমান প্রদান আইন, ২০১৮

সূচি

ধারাসমূহ

- ১। সংক্ষিপ্ত শিরোনাম, প্রবর্তন ও প্রয়োগ
  - ২। সংজ্ঞা
  - ৩। আইনের প্রাধান্য
  - ৪। বোর্ড
  - ৫। আল-হাইআতুল উলয়ার কার্যালয়
  - ৬। ‘আল-হাইআতুল উলয়া লিল-জামি’আতিল কওমিয়া বাংলাদেশ’ এর কমিটি
  - ৭। দাওরায়ে হাদিস (তাকমীল)-এর সনদকে মাস্টার্স ডিগ্রির সমমান প্রদান
  - ৮। শিক্ষা কার্যক্রম
  - ৯। ‘আল হাইআতুল উলয়া লিল-জামি’আতিল কওমিয়া বাংলাদেশ’ এর কমিটির কার্যাবলি
  - ১০। বিধি ও সংবিধি প্রণয়ন
-

‘আল-হাইআতুল উলয়া লিল-জামি’আতিল কওমিয়া  
বাংলাদেশ’ এর অধীন কওমি মাদরাসাসমূহের দাওরায়ে  
হাদিস (তাকমীল)-এর সনদকে মাস্টার্স ডিগ্রি (ইসলামিক  
স্টাডিজ ও আরবি)-এর সমমান প্রদান আইন, ২০১৮

২০১৮ সনের ৪৮ নং আইন

[৮ অক্টোবর, ২০১৮]

কওমি মাদরাসাসমূহের দাওরায়ে হাদিস (তাকমীল)-এর সনদকে  
মাস্টার্স ডিগ্রি (ইসলামিক স্টাডিজ ও আরবি)-এর সমমান প্রদানসহ  
আনুষঙ্গিক বিষয়ে বিধান করিবার নিমিত্ত প্রণীত আইন

যেহেতু কওমি মাদরাসার স্বতন্ত্র বৈশিষ্ট্য ও স্বকীয়তা বজায় রাখিয়া  
দারুল উলুম দেওবন্দের মূলনীতিসমূহকে ভিত্তি ধরিয়া ‘আল-হাইআতুল  
উলয়া লিল-জামি’আতিল কওমিয়া বাংলাদেশ’ এর অধীন কওমি মাদরাসার  
দাওরায়ে হাদিস (তাকমীল)-এর সনদকে মাস্টার্স ডিগ্রি (ইসলামিক স্টাডিজ  
ও আরবি)-এর সমমান প্রদানসহ আনুষঙ্গিক বিষয়ে বিধান করা সমীচীন ও  
প্রয়োজনীয়;

সেহেতু এতদ্বারা নিম্নরূপ আইন করা হইল:—

১। (১) এই আইন ‘আল-হাইআতুল উলয়া লিল-জামি’আতিল  
কওমিয়া বাংলাদেশ’ এর অধীন ‘কওমি মাদরাসাসমূহের দাওরায়ে হাদিস  
(তাকমীল)-এর সনদকে মাস্টার্স ডিগ্রি (ইসলামিক স্টাডিজ ও আরবি)-এর  
সমমান প্রদান আইন, ২০১৮’ নামে অভিহিত হইবে।

সংক্ষিপ্ত শিরোনাম,  
প্রবর্তন ও প্রয়োগ

(২) ইহা অবিলম্বে কার্যকর হইবে।

(৩) এই আইন সমগ্র বাংলাদেশে দারুল উলুম দেওবন্দের নীতি, আদর্শ  
ও নিসাব (পাঠ্যসূচি) অনুসরণে পরিচালিত কওমি মাদরাসাসমূহের দাওরায়ে  
হাদিস (তাকমীল)-এর ক্ষেত্রে প্রযোজ্য হইবে।

২। বিষয় বা প্রসঙ্গের পরিপন্থি কোনো কিছু না থাকিলে, এই  
আইনে,—

(১) “কওমি মাদরাসা” অর্থ আহলুস সুন্নাহ ওয়াল জামা’আত ও দারুল  
উলুম দেওবন্দের আদর্শ, মূলনীতি ও মত-পথের অনুসরণে

‘আল-হাইআতুল উলয়া লিল-জামি’আতিল কওমিয়া  
বাংলাদেশ’ এর অধীন ‘কওমি মাদরাসাসমূহের দাওরায়ে  
হাদিস (তাকমীল)-এর সনদকে মাস্টার্স ডিগ্রি (ইসলামিক  
স্টাডিজ ও আরবি)-এর সমমান প্রদান আইন, ২০১৮’

মুসলিম জনসাধারণের আর্থিক সহায়তায় উলামায়ে কেরামের  
মাধ্যমে প্রতিষ্ঠিত ও পরিচালিত ইলমে ওহীর শিক্ষাকেন্দ্র;

(২) “কওমি মাদরাসার স্বতন্ত্র বৈশিষ্ট্য ও স্বকীয়তা” অর্থ—

(ক) ঈমান, তাকওয়া ও তাওয়াক্কালতু আল্লাহ (একমাত্র আল্লাহর উপর  
নিরংকুশ ভরসা) এবং সর্বাবস্থায় সকল ক্ষেত্রে আল্লাহ তা’আলার  
রিয়ামন্দী ও সন্তুষ্টি অর্জনকে জীবনের পরম ব্রত ও লক্ষ্য স্থির  
করিয়া একমাত্র আল্লাহ তা’আলার সন্তার সহিত ভয় ও আশার  
সম্পর্ক স্থাপন এবং তাহাতে অবিচল থাকা;

(খ) মহানবি হযরত মুহাম্মদ (সা.)-এর বাণী “আমি ও আমার  
সাহাবীগণ যে মত-পথের উপর প্রতিষ্ঠিত” এর আলোকে আহলুস  
সুন্নাহ ওয়াল জামা’আত এর মতাদর্শ অনুসরণে আশ্বিয়া  
আলাইহিমুস সালামের মা’সুম (নিষ্পাপ) হওয়ার বিশ্বাস এবং  
সাহাবায়ে কিরাম রাদিয়াল্লাহু আনহুমের যথাযথ আজমত  
(মার্যাদা) ও তাঁহাদের ‘মিয়ারে হক’ (সত্যের মাপকাঠি) হওয়ার  
বিশ্বাস অন্তরে সুদৃঢ় করা ও তদনুসারে জীবন যাপন;

(গ) চার মাযহাবের প্রতি শ্রদ্ধা ও পরমত সহিষ্ণুতার সহিত হানাফী  
মাযহাব অনুসরণ;

(ঘ) সুলুক ও আধ্যাত্মিকতায় সুপরিচিত চার তরীকা (চিশতিয়া,  
সোহরাওয়ারদিয়া, নকশবন্দিয়া-মুজাদ্দিদিয়া ও কাদিরিয়া) সহ  
সকল হকপন্থি ধারার প্রতি সহনশীল ও উদার মনোভাব পোষণ;

(ঙ) উপমহাদেশে ইসলামী রেনেসাঁর অগ্রদূত হযরত শাহ ওয়ালিউল্লাহ  
মুহাদ্দিছে দেহলভী (রহ.) এর চিন্তাধারার অনুসারী ও অনুগামী  
হযরত কাসেম নানুতবী (রহ.) ও হযরত রশীদ আহমদ গাঞ্জুহী  
(রহ.) প্রমুখ আকাবিরে দেওবন্দের চিন্তা-চেতনার অনুসরণ এবং  
তা’লীম-তরবিয়াতসহ জীবনের সকল ক্ষেত্রে দারুল উলুম  
দেওবন্দের মূলনীতি, আদর্শ ও কর্মপদ্ধতি অনুসরণ; এবং

(চ) আল-হাইআতুল উলয়া লিল-জামি’আতিল কওমিয়া বাংলাদেশ  
কর্তৃক প্রণীত নেসাবে তা’লীম (পাঠ্যক্রম ও পাঠ্যসূচি), শিক্ষা,  
গবেষণা, প্রশিক্ষণ, ভৌত অবকাঠামো নির্মাণ, মাদরাসা  
পরিচালনা ইত্যাদিতে প্রভাবমুক্ত থাকিয়া স্বকীয় বৈশিষ্ট্য বজায়  
রাখা;

(৩) “কো-চেয়ারম্যান” অর্থ আল-হাইআতুল উলয়ার কো-চেয়ারম্যান;

(৪) “চেয়ারম্যান” অর্থ আল-হাইআতুল উলয়ার চেয়ারম্যান;

(৫) “দাওরায়ে হাদিস (তাকমীল)” অর্থ কওমি মাদরাসার স্নাতকোত্তর  
ডিগ্রি, যাহা মাস্টার্স ডিগ্রি (ইসলামিক স্টাডিজ ও আরবি)-এর  
সমমান;

‘আল-হাইআতুল উলয়া লিল-জামি’আতিল কওমিয়া  
বাংলাদেশ’ এর অধীন ‘কওমি মাদরাসাসমূহের দাওরায়  
হাদিস (তাকমীল)-এর সনদকে মাস্টার্স ডিগ্রি (ইসলামিক  
স্টাডিজ ও আরবি)-এর সমমান প্রদান আইন, ২০১৮’

২৯১

(৬) “বিধি” অর্থ এই আইনের অধীন প্রণীত বিধি;

(৭) “সদস্য” অর্থ আল-হাইআতুল উলয়ার কোনো সদস্য।

৩। আপাতত বলবৎ অন্য কোনো আইনে যাহা কিছুই থাকুক না কেন, আইনের প্রাধান্য এই আইনের বিধানাবলী প্রাধান্য পাইবে।

৪। ‘আল-হাইআতুল উলয়া লিল-জামি’আতিল কওমিয়া বাংলাদেশ’ বোর্ড  
এর অধীন নিম্নবর্ণিত অনূর্ধ্ব ৬ (ছয়) টি কওমি মাদরাসা শিক্ষা বোর্ড থাকিবে,  
যথা:—

- (ক) বেফাকুল মাদারিসিল আরাবিয়া বাংলাদেশ;
- (খ) বেফাকুল মাদারিসিল কওমিয়া গওহরডাঙ্গা বাংলাদেশ;
- (গ) আঞ্জুমানে ইত্তেহাদুল মাদারিস বাংলাদেশ;
- (ঘ) আযাদ দ্বীনি এদারায়ে তালীম বাংলাদেশ;
- (ঙ) তানযীমুল মাদারিসিদ দ্বীনিয়া বাংলাদেশ; এবং
- (চ) জাতীয় দ্বীনি মাদরাসা শিক্ষা বোর্ড বাংলাদেশ।

৫। আল-হাইআতুল উলয়ার প্রধান কার্যালয় থাকিবে ঢাকায় এবং  
প্রয়োজনে, বাংলাদেশের যে কোনো স্থানে উহার আঞ্চলিক বা শাখা কার্যালয়  
স্থাপন করা যাইবে।

আল-হাইআতুল  
উলয়ার কার্যালয়

৬। (১) গণপ্রজাতন্ত্রী বাংলাদেশ সরকারের শিক্ষা মন্ত্রণালয় কর্তৃক ১৩-  
০৪-২০১৭ খ্রিস্টাব্দ তারিখে ৩৭.০০.০০০০.১১৮.২০.০০৫.১৭-১২১ নম্বর  
স্মারকমূলে জারিকৃত প্রজ্ঞাপনের আলোকে ‘আল-হাইআতুল উলয়া লিল-  
জামি’আতিল কওমিয়া বাংলাদেশ’ এর নিম্নরূপ একটি কমিটি থাকিবে,  
যথা:—

‘আল-হাইআতুল উলয়া  
লিল-জামি’আতিল  
কওমিয়া বাংলাদেশ’  
এর কমিটি

- (ক) চেয়ারম্যান: বেফাকুল মাদারিসিল আরাবিয়া বাংলাদেশ-এর  
সভাপতি (পদাধিকার বলে);
- (খ) কো-চেয়ারম্যান: সিনিয়র সহ-সভাপতি, বেফাকুল মাদারিসিল  
আরাবিয়া বাংলাদেশ (পদাধিকার বলে);
- (গ) বেফাকুল মাদারিসিল আরাবিয়া বাংলাদেশ (বেফাক) এর  
৫ (পাঁচ) জন সদস্য (পদাধিকারবলে মহাসচিবসহ অথবা বোর্ড  
কর্তৃক মনোনীত);

‘আল-হাইআতুল উলয়া লিল-জামি’আতিল কওমিয়া  
বাংলাদেশ’ এর অধীন ‘কওমি মাদরাসাসমূহের দাওরায়ে  
হাদিস (তাকমীল)-এর সনদকে মাস্টার্স ডিগ্রি (ইসলামিক  
স্টাডিজ ও আরবি)-এর সমমান প্রদান আইন, ২০১৮’

- (ঘ) বেফাকুল মাদারিসিল কওমিয়া গওহরডাঙ্গা বাংলাদেশ এর ২ (দুই) জন সদস্য (পদাধিকারবলে সভাপতি ও মহাসচিব অথবা বোর্ড কর্তৃক মনোনীত);
- (ঙ) আঞ্জুমানে ইত্তেহাদুল মাদারিস বাংলাদেশ এর ২ (দুই) জন সদস্য (পদাধিকারবলে সভাপতি ও মহাসচিব অথবা বোর্ড কর্তৃক মনোনীত);
- (চ) আযাদ দ্বীনি এদারায়ে তা’লীম বাংলাদেশ এর ২ (দুই) জন সদস্য (পদাধিকারবলে সভাপতি ও মহাসচিব অথবা বোর্ড কর্তৃক মনোনীত);
- (ছ) তানজিমুল মাদারিসিদ-দ্বীনিয়া বাংলাদেশ এর ২ (দুই) জন সদস্য (পদাধিকারবলে সভাপতি ও মহাসচিব অথবা বোর্ড কর্তৃক মনোনীত); এবং
- (জ) জাতীয় দ্বীনি মাদরাসা শিক্ষা বোর্ড, বাংলাদেশ এর ২ (দুই) জন সদস্য (পদাধিকারবলে সভাপতি ও মহাসচিব অথবা বোর্ড কর্তৃক মনোনীত)।

(২) চেয়ারম্যান, প্রয়োজনে, যে কোনো সংখ্যক সদস্যকে কমিটিতে কো-অপ্ট করিতে পারিবেন; তবে উক্ত সংখ্যা ১৫ (পনেরো) জনের অধিক হইবে না।

(৩) অন্যান্য এক-তৃতীয়াংশ সদস্যের উপস্থিতিতে কমিটির সভার কোরাম পূর্ণ হইবে।

(৪) দাওরায়ে হাদিস (তাকমীল)-এর সিলেবাস প্রণয়ন, পরীক্ষা পদ্ধতি, পরীক্ষার সময় নির্ধারণ, অভিন্ন প্রশ্নপত্র প্রণয়ন, উত্তরপত্র মূল্যায়ন, ফলাফল ও সনদ তৈরিসহ আনুষঙ্গিক কার্যক্রম পরিচালনার লক্ষ্যে কমিটি এক বা একাধিক উপ-কমিটি গঠন করিতে পারিবে।

(৫) কমিটি স্থায়ী কমিটি বলিয়া বিবেচিত হইবে এবং উহা দলীয় রাজনীতির উর্ধ্বে থাকিবে।

দাওরায়ে হাদিস  
(তাকমীল)-এর  
সনদকে মাস্টার্স  
ডিগ্রির সমমান  
প্রদান

৭। শিক্ষা মন্ত্রণালয়ের ১৩-০৪-২০১৭ খ্রিস্টাব্দ তারিখের ৩৭.০০.০০০০.১১৮.২০.০০৫.১৭-১২১ নম্বর স্মারকমূলে জারিকৃত প্রজ্ঞাপনের পরিপ্রেক্ষিতে কওমি মাদরাসার স্বতন্ত্র বৈশিষ্ট্য বজায় রাখিয়া ও দারুল উলুম দেওবন্দের মূলনীতিসমূহকে ভিত্তি ধরিয়া গঠিত আল হাইয়াতুল উলয়া লিল-জামি’আতিল কওমিয়া বাংলাদেশ কর্তৃক প্রদত্ত কওমি মাদরাসার দাওরায়ে হাদিস (তাকমীল)-এর সনদকে মাস্টার্স ডিগ্রি (ইসলামিক স্টাডিজ ও

‘আল-হাইআতুল উলয়া লিল-জামি’আতিল কওমিয়া  
বাংলাদেশ’ এর অধীন ‘কওমি মাদরাসাসমূহের দাওরায়ে  
হাদিস (তাকমীল)-এর সনদকে মাস্টার্স ডিগ্রি (ইসলামিক  
স্টাডিজ ও আরবি)-এর সমমান প্রদান আইন, ২০১৮’

২৯৩

আরবি)-এর সমমান এমনভাবে প্রদান করা হইল যেন উহা এই আইনের  
অধীন প্রদান করা হইয়াছে।

৮। ধারা ৪ এ উল্লিখিত ‘আল হাইআতুল উলয়া লিল-জামি’আতিল  
কওমিয়া বাংলাদেশ’ এর অধীন বোর্ডসমূহ ধারা ৬ এ উল্লিখিত কমিটি দ্বারা  
নিবন্ধিত কওমি মাদরাসাসমূহে দারুল উলুম দেওবন্দের নীতি, আদর্শ ও  
নিসাব (পাঠ্যসূচি) অনুসারে দাওরায়ে হাদিসের শিক্ষা কার্যক্রম পরিচালিত  
হইবে।

শিক্ষা কার্যক্রম

৯। (১) ধারা ৬ এ উল্লিখিত কমিটি নিম্নরূপ দায়িত্ব পালন করিবে,  
যথা:—

‘আল হাইআতুল উলয়া  
লিল-জামি’আতিল  
কওমিয়া বাংলাদেশ’  
এর কমিটির কার্যাবলি

- (ক) কওমি মাদরাসাসমূহের দাওরায়ে হাদিস (তাকমীল) সনদের  
শিক্ষার মান নিশ্চিতকরণ;
- (খ) দাওরায়ে হাদিস (তাকমীল) সনদ বিষয়ক যাবতীয়  
কার্যক্রমের ক্ষেত্রে সর্বোচ্চ সিদ্ধান্ত গ্রহণ;
- (গ) দাওরায়ে হাদিস (তাকমীল)-এর পরীক্ষা গ্রহণ ও তত্ত্বাবধান;  
এবং
- (ঘ) দাওরায়ে হাদিস (তাকমীল)-এর সিলেবাস প্রণয়ন, পরীক্ষা  
পদ্ধতি ও পরীক্ষার সময় নির্ধারণ, অভিন্ন প্রশ্নপত্র প্রণয়ন,  
উত্তরপত্র মূল্যায়ন এবং ফলাফল ও সনদ তৈরিসহ  
আনুষঙ্গিক কার্যক্রম পরিচালনা।

(২) কমিটি উহার কার্যক্রম সম্পর্কে, সময় সময়, শিক্ষা মন্ত্রণালয়কে  
অবহিত করিবে।

১০। এই আইনের উদ্দেশ্য পূরণের স্বার্থে সরকারের অনুমতি সাপেক্ষে  
এই আইনে উল্লিখিত যে কোনো বিষয়ে কমিটি কর্তৃক বিধি ও সংবিধি  
প্রণয়ন করা যাইবে।

বিধি ও সংবিধি প্রণয়ন